

समे – 12:25 hrs.

<><><><><><>

LG Tributes Sahibzades

लेफ्टिनेंट गवर्नर मनोज सिन्हा होरें वीर बाल दिवस दे मौके पर श्री गुरु गोबिंद सिंह जी हुंदे पुत्रे साहिबजादे-बाबा जोरावर सिंह जी ते बाका फतेह सिंह होरेंगी श्रद्धांजलि भेंट कीती। लेफ्टिनेंट गवर्नर मनोज सिन्हा होरें इक सोशल मीडिया स्नेह च आखेआ जे ओह साहिबजादे गी श्रद्धांजलि भेंट करदे न, जिंदी दलेरी ते कुर्बानी प्रेरणा दा स्रोत न। एल.जी होरें आखेआ जे माता गुजरी जी हुंदी शक्ति ते श्री गुरु गोबिंद सिंह जी हुंदी महान शिक्षा मनुक्खता गी बत दस्सदी ऐ।

<><><><><><>

LG-Varanasi Visit

लेफ्टिनेंट गवर्नर मनोज सिन्हा होरें मन्ने-परमन्ने दे समाजी कार्यकर्ता ते बनारस हिंदु युनिवर्सिटी दे विद्यार्थी संघ दे साबका प्रधान बाबू मारकंडेय सिंह होरेंगी कल श्रद्धांजलि अर्पित कीती। वाराणसी च उंदे चेते च आयोजित इक कार्यक्रम दरान एल.जी होरें बाबू मारकंडेय सिंह हुंदे जीवन ते कम्में पर लोऽ पाई। श्री सिन्हा होरें आखेआ जे बाबू मारकंडेय सिंह होरें निश्ठा, ज्ञान ते समर्पण भावना दे कन्नै नौजवानें दा मार्गदर्शन कीता ते उंदा पूरा जीवन राष्ट्र निर्माण च जोगदान देने लेई युवा पीढ़ी दा मार्गदर्शन करने आहली इक प्रेरणा दे तौर समर्पित रेहा। एल.जी होरें आखेआ जे बाबू मारकंडेय सिंह होर सियासत च सादगी ते

पवित्रता दे प्रतीक हे ते उं'दा जीवन साईंसी उत्कृश्टता ते मनुक्खता दे प्रति समर्पण दा इक अनोखा मेल हा।

<><><><><><>

LG-JKP

लेफ्टिनेंट गवर्नर मनोज सिन्हा हुं'दे प्रशासन नै जम्मू-कश्मीर पुलिस (Subordinate) सेवा भर्ती नियम 2025 दा मसौदा सार्वजनिक करी दिता ऐ ते सरबंधत धड़ें सवां आपत्तियां ते सुझा बी मंगे न। जेल्लै एह कनून बनी जाहग तां एह संशोधित जम्मू-कश्मीर पुलिस (Subordinate) भर्ती नियम 160 दी थाह लेई लैग। गृह विभाग आसेआ जारी कीते गेदे इक्क अधिकारिक नोटिस मुताबक नियमें गी मुकदा रूप देने कोला पैहलें मसौदे गी मैहकमे दी अधिकारिक वैबसाइट <https://homejk.gov.in> पर जांच लेई अपलोड करी दिता गेदा ऐ। सरबंधत धड़ें गी आखेआ गेआ ऐ जे ओह नोटिस छपने मगरा 15एं दिनें दे अंदर-अंदर अपनी आपत्तियां ते सुझा दाखल कराई सकदे न।

<><><><><><>

AI- Enabled Security Grid

पाकिस्तान आसेआ चलाए जा'रदे आतंकवाद करी पैदा खतरें गी घट्ट करने ते अंदरूनी सुरक्षा बवस्था गी होर निग्गर बनाने दी कोशिश दे तैहत जम्मू-कश्मीर पुलिस भलेआं अज्जै-कल्लै दिएं स्थूलतें ते आर्टिफिशल इंटेलीजेंस कन्नै लैस इक सुरक्षा ग्रिड गी लागू करने दा ऐलान कीता ऐ। आकाशवाणी दे जम्मू संवाददाता दी रिपोर्ट मुजब अगली पीढ़ी दी इस प्रणाली दे

कन्नै समूलचे जम्मू-कश्मीर ते खास करिये बन्ने आहले ते संवेदनशील इलाकें च निगरानी, खुफिया जानकारीयां हासल करने दी प्रक्रिया ते तुरत कार्रवाई आहली बवस्था होर मजबूत होग। ध्यानजोग ऐ जे रायपुर च पिछले दिनें लाई गेदी पुलस बलें दे डरैक्टर जनरलें ते इंस्पेक्टर जनरलें दी उच्ची सतह दी बैठक दरान इस पहलकदमी गी लागू करने पर सहमति बनी ही ते एह सुरक्षा तंत्र गी निग्गर बनांदे होई भलेआं अज्जै-कल्लै दिएं तकनीकें दा इस्तेमाल करने दी सरकार दी बचनबद्धता गी दर्शादी ऐ।

<><><><><><>

Joint Search Op.

सीमा सुरक्षाबल-बीएसएफ ते पंजाब पुलिस दे जवानें पठानकोट जिले दे पहारीपुर गांs च सांझी तपाशी आहली कार्रवाई कीती। एहदा मकसद थेहारबंद बलें च असरकारी परिचालन तालमेल च बाददा करिये इलाके च गलबे गी बदाना ते बन्ने दी सुरक्षा गी निग्गर करना ऐ। पाकिस्तान दी तरफा आतंकी घुसपैठ दी शंका दे चलदे जम्मू च अंतरराष्ट्री बन्ने ते गोआंडी पंजाब दे अगेत्रे जिलें च सुरक्षाबलें निगरानी सख्त करी दिती ऐ। जम्मू खिते दे जम्मू, साम्बा ते कठुआ ते पंजाब दे बन्ने आहले जिलें च मती सतर्कता बरती जा करदी ऐ।

<><><><><><>

Labour Deptt. Ramban

श्रम विभाग आसेआ रामबन च संगठित ते गैर संगठित खेतर दे कम्मगारें लेई केंद्र सरकार आसेआ चलाई जा'रदी बक्ख-बक्ख योजनाएं तैहत समाजी सुरक्षा, शिक्षा, डॉक्टरी दिक्खभाल ते

माली मदद उपलब्ध करवाने बक़्खी टकोहदा ध्यान दिता जा'रदा ऐ। इस्सै चाल्ली दी इक योजना प्रधानमंत्री श्रम योगी मान धन स्कीम दे तैहत गैर संगठित खेतर दे ओकड़े कम्मगारें जिंदी इक म्हीने दी औंदन 15 जहार रपे तोड़ी ऐ, उ'नेंगी 60एं ब'रें दी उम्मी दे बाद हर म्हीने घटोघट्ट त्रै जहार रपे दी पेंशन दा लाह उपलब्ध करवाया जा'रदा ऐ। एहदे अलावा प्रधानमंत्री जीवन ज्योति बीमा योजना बी योग्य लाभार्थिं लेई बड़ी कारी दी साबत होआ'रदी ऐ।

<><><><><><>

Railway Fair Rationalization

रेलवे नै अज्जै थमां अपने किराएं गी युक्तिसंगत बनाने लेई गेंs पुट्टी ऐ। नमें सिरेआ तैय किराएं मुजब आम श्रेणी आहले वर्ग च 215 किलोमीटर तगर दे सफर लेई लग्गने आहले किराएं च कोई बाददा नेई कीता गेआ ऐ। 215 किलोमीटर थमां बद आहले सफर लेई फही पैसा किलोमीटर स्हाबै बढ़ाया गेआ ऐ। विजन ए.सी ते एक्सप्रेस रेलें च इस किराएं च दो पैसा फही किलोमीटर स्हाबै बाददा कीता गेआ ऐ। रेलवे नै ए.सी श्रेणी च दो पैसे फही किलोमीटर स्हाबै बाददा कीता ऐ। एहदे च इब्बी दस्सेआ गेआ ऐ जे सब अर्बन ते सीजनल टिकट च बी कोई बाददा नेई कीता गेआ ऐ।

<><><><><><>